

შეთანხმება

ქ. თბილისი

ერთი მხრივ, ქალაქ თბილისის მუნიციპალიტეტის მერია (შემდგომში – შემსყიდველი), წარმოდგენილი ქალაქ თბილისის მუნიციპალიტეტის მერიის ინფრასტრუქტურის განვითარების საქალაქო სამსახურის პირველადი სტრუქტურული ერთეულის ხელმძღვანელის (საქალაქო სამსახურის უფროსი) გალაქტიონ ბუაძის სახით და მეორე მხრივ, შპს „ჯეუ გრუპი“ (შემდგომში „მიმწოდებელი“), წარმოდგენილი მისი დირექტორის ნინო კიკაბიძის სახით, ვხელმძღვანელობთ რა საქართველოში მოქმედი კანონმდებლობით, ვთანხმდებით შემდეგზე:

1. შეთანხმების საგანი

1. ქალაქ თბილისის მუნიციპალიტეტის მერიასა და შპს „ჯეუ გრუპი“-ს შორის 2019 წლის 15 მარტს დადებული სახელმწიფო შესყიდვის შესახებ N01.01.01/30/123 ხელშეკრულებით (ქ. თბილისში, კახეთის გზატკეცილის სარეაბილიტაციო სამუშაოები) გათვალისწინებული სამუშაოების მიმდინარეობის პროცესში, აღმოჩნდა, რომ ჯ. ბუშის ქუჩაზე, საჭირო გახდა კანალიზაციის, წყალსადენისა და სანიაღვრე მაგისტრალების მშენებლობა. საგზაო სამუშაოების პარალელურად წყალარინების გარე ქსელის სისტემის მოწყობის სამუშაოებს ახორციელებს შპს „ჯორჯიან უოთერ ენდ ფაუერი“ და სანიაღვრე ქსელის სამუშაოებს აწარმოებს შპს „მეოხი“, რომელიც მიმდინარეობს 2(ორი) თვეზე მეტ დროის პერიოდში და ჯერ კიდევ დასრულებული არ არის, შესაბამისად არსებული ფაქტობრივი გარემოებები ხელს უშლის შპს „ჯეუ გრუპს“ სრულყოფილად და შეუფერხებლად განახორციელოს პროექტით გათვალისწინებული საგზაო სამუშაოები. ყოველივე ზემოაღნიშნულიდან გამომდინარე, ხელშეკრულების მონაწილე მხარეები - შემსყიდველი და მიმწოდებელი - ვთანხმდებით:

1.1 შეტანილ იქნას ცვლილება სახელმწიფო შესყიდვის შესახებ ხელშეკრულებაში, გაიზარდოს ხელშეკრულებით გათვალისწინებული სამუშაოების დასრულების ვადა და ხელშეკრულების მე-3 მუხლის 3.1 პუნქტი ჩამოყალიბდეს შემდეგი რედაქციით:

„3.1 სამუშაოების დასრულების ვადა - სამუშაოთა წარმოების კალენდარული გეგმა-გრაფიკის შესაბამისად, წერილობითი დავალების მიცემიდან 2019 წლის 25 ნოემბრის ჩათვლით.“.

2. მიმწოდებელი ვალდებულია შეთანხმების გაფორმებიდან 5 კალენდარული დღის ვადაში, ხელშეკრულების მე-3 მუხლის 3.2 პუნქტის შესაბამისად, ქალაქ თბილისის მუნიციპალიტეტის მერიის ინფრასტრუქტურის განვითარების საქალაქო სამსახურში წარადგინოს და სამსახურთან შეთანხმოს სამუშაოთა წარმოების კორექტირებული კალენდარული გეგმა-გრაფიკი.

3. მიმწოდებელი ვალდებულია უზრუნველყოს წარმოდგენილი ხელშეკრულების შესრულების უზრუნველყოფისა და წინასწარი ანგარიშსწორების (საავანსო) გარანტიების მოქმედების ვადის გაგრძელება 2020 წლის 24 იანვრის ჩათვლით. ამასთან, ვადაგაზრდილი საბანკო გარანტიები წარმოდგენილი უნდა იქნას არაუგვიანეს 2019 წლის 9 ნოემბრისა. საბანკო გარანტიების შემსყიდველისათვის მიმდინარე წლის 9 ნოემბრის ჩათვლით წარმოდგენილობის შემთხვევაში, შემსყიდველი უფლებამოსილია შეწყვიტოს სახელმწიფო შესყიდვის შესახებ ხელშეკრულება.

4. ხელშეკრულების მოქმედების ვადად განისაზღვროს 2023 წლის 31 იანვრის ჩათვლით პერიოდი.

საფუძველი: ქალაქ თბილისის მუნიციპალიტეტის მერიის ინფრასტრუქტურის განვითარების საქალაქო სამსახურის 2019 წლის 28 ოქტომბრის N14-01193014423 წერილი.

2. შეთანხმების მოქმედების ვადა

2.1 წინამდებარე შეთანხმება მოქმედებს 2019 წლის 1 ნოემბრიდან.

2.2 შეთანხმება წარმოადგენს მხარეთა შორის 2019 წლის 15 მარტს გაფორმებული სახელმწიფო შესყიდვის შესახებ N01.01.01/30/123 ხელშეკრულების განუყოფელ ნაწილს და მოქმედებს მასთან ერთად.

2.3 ხელშეკრულების ყველა სხვა პირობა რჩება უცვლელი.

3. მხარეთა რეკვიზიტები და ხელმოწერები

შემსყიდველი:

ქ. თბილისის მუნიციპალიტეტის მერია
ს/კოდი: 204521794
საქალაქო სამსახურის უფროსი
გ. ბუაძე

მიმწოდებელი:

შპს „ჯეუ გრუპი“
ს/კოდი: 205251537
დირექტორი

ნ. კიკაბიძე